

白
鄉
詩
鈔



830220

白鄉詩鈔卷五

樂平董元憲白鄉著
諸友及門
編校

送星如兄往安慶省陳秋麓

秋麓鄱陽人各其松時為安慶同知兄父之契友也一身淪落千里奔投兄於是凡三往矣

男兒八尺有誰憐地比天南別緒牽坎壈奔投戀桑梓
間關雲樹意茫然吾兄魁壘真奇士罄盡黃金結世賢
輸租度篋少三緡典宅鎮囊無一錢窮愁應下羊公淚

困頓空悲范叔寒當代孟公誰可比阿翁昔日稱知己

白鄉詩鈔卷五

學中炊食熟因人秋麓困窮時兄父常周卹之帳畔投徒衆如市時

陽山長為刑部侍郎誠甫劉公好獎士類一時人才頗稱盛焉話舊宵分數對牀談經

午刻頻移是芝陽把袂成千秋蜀郡分符宰百里地府

修文感故人天涯寄札詢猶子杜宇千山去路遙隻身

行李嘆蕭條蠶叢鳥道紆盈折雅雨黎風夜復朝問字

巴江方進棹去官巫峽已迴橈異地飄零空袖刺他邦

踣躄恥吹簫饑腸常聽車輪轉華髮先驚木葉凋天中

難醉郵筒酒冷落風塵牛馬走質衣乘便赴歸潮賣藥

贈行泣良友作客三年缺未彈到門四壁家依舊不期

半刺得監州何幸一麾聞出守庸愛江氈割覆兒冀分
陸橐持娛母羈遊再向故鄣城獨佩純鉤壯遠征弔古
幾經吳帝墓懷人先上謝公亭入署未滿三斗垢掛衙
新領一條冰懸魚飲水修官況戴笠乘車念侶情畫閣
凝香無長物輕風滿袖笑清卿長途坐此逾蕭索貧賤
由來誤請託襪襪霜露烏翰譙潑刺泥沙魚轍涸旅思
填胸諒滯滯流光轉眼追疇昨世無北海共流連路遇
西華徒駭愕壯志當存待命時高歌何慮橫溝壑俊哲
多從潦倒來狂呼痛哭漫傷懷抱犢不遭官長罵狎鷗
白鄉詩鈔 卷五 二

豈犯舍人猜詎知慙思陳榻又復登臨憶皖臺投轄
挽留更何日掃門求見正堪哀浮生慣逐飄蓬轉遠夢
難禁畫角催風雪一鞭從此去羸膝履屨趁前渡長衫
暗拂怕魂銷短笛低吹嗟歲暮桑落洲遙雁避簪楓香
驛近烏啼樹月魄寒侵西館山梅花春寄南湖路三高
遺跡代追尋惆悵贈君招隱句

作畫

重雲如幕覆山家百尺寒梢露幾叉自寫一株橫雪幹
天風簸簸落梅花

哭焯兒三首

賀歲觴初徹驚頽掌上珠白眉雖未卜黃口竟何辜早

痛荆花殞

予一弟六歲痘殞

重看玉樹枯向爺知承訣欲語泣

呱呱

寒風同利鏃微息僅如絲祇爲憐肌瘦偏令服藥遲何
方驅二豎無計守三尸敢怨天公酷竹伶自數奇

歎我經年別歸家暫抱持何堪初沒日猶似熟眠時嗚
咽翻悲婦嬌啼尙憶兒衆香國來去指引仗須彌

春初漫興

白鄉詩鈔

卷五

三

竹籬欲飲引飈徐敗葉堆庭漫掃除常白眼看今世事
惟空腹貯古人書閒繙舊譜時吹笛暖灌春園自把鋤
山下梅花相問訊東風消息近何如

痘神

普散丹砂啟綠囊癡雛將護作鸞鳳生平不省華嚴旨
也乞天花作道場

飯依蓮座學瞿曇五色慈雲護一龕信是化身分萬億

焚香頂禮共和南

贈汪秋帆

清才逸興妙能兼花木垂垂掠帽簷
顧渚茶供佳客飲
博山香喚小童添
揜衣欲作黃塵舞
引板時翻白鷓鴣
綺歲風情君獨擅
詩成葉子又重拈

西園冠蓋謝紅塵
統領琴書過此春
風月湖山千里夢
鶯花門巷六朝人
歡陪白蛤當筵醉
習聽紅牙度曲新
笑指金蘭長結契
蕭齋且作孟家鄰

牡丹

畫堂人靜晝深嚴
自笑花叢拜作監
醉倚春風歌白紵
舞停夜月唾紅衫
濃香半逗狼煙裊
綺夢初酣燕語喃
白鄉詩飲
卷五
四
欲寄朝雲書片片
華箋呼遣紫鸞銜

艷春曲

霧霏銀蒜押簾冷
蛩翠淡妝菱波靚
纖蓮貼地出房櫳
階下微颺颺鬢影
青青柳葉織烟重
十里花光結紅夢
却怨天涯芳草迷
綠愁如雲蹙鸞喙
陌上誰家香幃歸
赤欄悄望時依依
三月春萱挹情老
數盡瑤圍雙蝶飛

贈歌者楊郎

延年協律叶宮商
三五雜伶壓教坊
道忽雷聲正起
荷中閃出紫鸞鴛

靚情上赤粉白黛
暎語之親物又
五詩同

憶音歌車慢

一搦纖腰掌上輕含嬌山媚態盈盈江南艷曲崑山調
腸斷蕭娘節福聲

倚翠調紅笑舉杯登場却被管聲催迴波三疊殷勤唱
婢捧湘簾十錦來

暫時惜別更留歡紅豆拋殘又漏殘歌到鷓鴣春已暮
當筵恨殺鄭都官

寶鏡

臉霞眉黛劇分明悄立相看水一泓描我舊容憐爾爾
照人春恨問卿卿兩心須並菱花灩百歲長同桂魄盈
白鄉詩欽 卷五 五
却笑嫦娥空悵望碧天風露浩無聲

香帕

三尺吳綾手自裁豐融雪腕軟勻腸不慰半艸嫵嫵
跳脫輕遙娘嬈來戲界烏絲分作字笑拈紅滴勸銜杯
玉臺添詠儂家物一段脂香也費才

紈扇

珊珊骨節動非遲笑捉團圓沁玉肌小熱倦酣睡後
轉涼浴罷晚妝時一輪明月開幽抱十里秋風誤別期
贏得篋中長好在昭陽回首又相思

采蓮

江蘇蘇州
蘇州蘇州

采蓮

江蘇蘇州
蘇州蘇州

浴罷晚妝時

浴罷晚妝時
浴罷晚妝時

銀管

芝蘭那覺醞深房
領畧芭菰欲斷腸
齒可憐逢小笑
啼眉何處試新妝
偏愁草草郎輕吐
却怕絲絲婢暗嘗
雲雨朦朧如夢幻
兒家風味在高唐

咏蘭

細葉高下披
茁莖更縹碧
揚芬自矜尙
謝彼衆芳色
獨抱君子心
幽馨發闕寂
謂將紉爲佩
孰可擷薺澤
如何傍簪珥
僅取美人飾
泛賞知已稀
况復覓眞識
所以吟江潭
香草怨無極
似聞賦大招
亭亭立相魄
光風旣徐白
鄉詩鈔

卷五

六

汜虛室轉瑩白爲彈廣陵散相對慰晨夕

對雨

蕉葉橫窗檻
鬚眉食淨綠
飄疎下梅雨
相簾涼如玉
藉可滌煩襟
風籟頓清穆
關關聽好鳥
澹然一甌足

消夏雜興十首

八尺風漪浸此中
黑甜四大本皆空
華胥絕調雙門曲
蝴蝶踟躕聽未終

學寫官奴點畫疎
窗前大有客軒渠
誰知蕉似蒲葵扇
值我臨池笑索書

冷著漁舟
不飛也

松風謾謾和煎茶料理詩篇且已鉅歌罷侍兒知吻渴
銀刀手剖綠沈瓜侍兒可兒

樹枝正似玉鴉叉幾縷微陽影半遮絕好臨風三弄笛
瀟瀟一雨爲澆花

漠漠湖陰尙薄雷蓑衣看共浪花堆烏蓬買載笮笮去
直釣槎頭入饌來

日折碧筒麈酒兵彈碁射覆笑相傾時將餘課修蔬譜
閒繞東西豆菜棚

十竿風竹冷相敲移置胡牀近水坳不惜夜深當露坐
白鄉詩鈔卷五

貪看月影上花梢

蘭豎蘭谿種獨勞香聞如處上清曹昨來青鳥傳消息
仙子瑤臺愛讀騷

誰向江頭采白蘋藕絲牽繞憶前因修牋自向湘君乞
敕與荷花作主人

雲情水思渺山川聞說壺中別有天長願一瓢携我任
劫塵相避八千年

夏日齋居有懷

黑雲突堆擁靈霧天宇濁簷瓦紛跳珠猛雨擊如雹火

頃掃疇靈心神立騰蹕塵胸久積悶茲焉得振濯何乃
困一瓊譏談強咿啞寄處他人庶相對日形渥臧壁鮮
北海吹竽濫南郭回翔羨鳥羽彎跽愧蝸殼野性誰可
馴禮數厭煩數觀書同袋孫聞智總卑齟胡弗凌高颺
千里極遐邇桂楫浮三湘芒屨踏五嶽南上探禹穴响
樓自摹拓澎湃海閩瀚飛弩相激颺東游至鄒魯廟貌
窟蕤桷登萊看日出燭龍光赧駭西尋石鼓文遯車重
鑄琢函關天府雄一九封可愕北向踰雁門遠矚窮沙
漠勁氣橫幽燕盤馬舞矛稍天地爲我心混濛欲開鑿
日月爲我矚陰翳當昭暉山岳爲我體虎豹踞獸密江
海爲我胸鯢鯨噴舉滄或則舒煙霞貯之於囊橐或則
響風籟聽之以笙箏或則轟輶雷狂魄互槃礴或則搖
繁星英詞共錯落萬態廣豁舒牢籠局宏倬蒼最紛已
盈炯炯夜光握大雅嗟久衰騷場一隊妮蕭文與臧飲
淋漓酣且晷人生貴適意局趣笑輟駁高歌緬往古夕
陽下牆角

夏日晚興

兩餘相對澹愁魂
風雜蟬聲亦苦喧
落葉半階癡蝶戲

殘陽一樹鷓鴣翻佩留蘭芷尋香味徑長蓬茅失本根
回語舊巢雙燕子經秋莫戀主人恩

題洛神圖

驂鸞小憩獨臨流霧鬢風鬟影蕩浮欲採明珠江上望
碧天無際暮雲愁

遙誓潛淵表素心西風瑟瑟水滔滔依稀似製凌波曲
洛浦湘江恨共深

采蓮詞

郎自采菱向湖嘴儂自采蓮入湖陰采菱有刺傷郎手

白鄉詩鈔

卷五

九

采蓮有子見儂心

秋夜

我訪乘槎者凌虛入斗牛風吹河漢轉星逐電光流對
此懷高舉因之盪遠愁胡爲雲路隔下土久淹留

落花詞

瑤砌分塵生羅襦兮香襲惹芳菲兮幾時昨欲笑兮今
如泣辭枝兮縈鬢委地兮飛翻知含情兮罔極怨公子
兮未忍言

招花魂詞

何天蒼蒼而蓋愁何地漠漠而埋憂汝胡不銅爲柯青
瑩一握凌嵯峨兩淋日炙無消磨汝胡不石爲幹赤文
斑駁碧蘚縵育風扯颯力排捍胡不琉璃葉玳瑁葩簪
綴金珥懸寶珈靈光璀璨圓弗窳已焉哉芳華翠飭忽
秋草一片零落紅塵道癡心仍逐蛺蝶飛來歲春期漢
苑早吾起招汝于杜若之洲沅沘汀蘭共儔侶芳馨欲
遺悲靈修從今莫怨鵝鴝語渺渺離懷江水悠又招汝
于芙蓉之城海棠之國杜陵老去曼卿死總是淒涼斷
腸色紫泣紅啼塵夢醒黃雲稠疊月昏黑不然招汝於

白鄉詩敘

卷五

十

燕支之山芻馬柳車出函關王嬙空自哭青冢深情欲
挽舊日顏音傳胡拍未忘恨弱質煙銷誰見憐不然招
汝於珊瑚之海沈淪九淵驚光彩誰懸鐵網下驚濤珠
琲悉攫蛟龍碎魂兮歸來坤輿頌濟曠靡涯風沙怒搏
聲喧厯棘喉鏃舌攢塵霾左右崇巒齒崖崖林木陰森
矛戟排常暝無晝寒毡毳鬣髻躡踏狼與豺山鬼土伯
張巨頰兩角鬚鬚長且鬚粉骨作殼脂作膜心胆悽慄
轉沿洄奔濤駭浪轟犇雷颶母一呼瞋颺颺射工伺影
時爲災嗚呼羸弱良可哀歸來歸來早恩洞照窗疏開

下有累榭高層臺瓊璜纂組紛絃絃連炬醜醜香復煇
通瑤漿蜜勺流霞杯炮臚臚物孔皆雞鳧雁鱉鷓
廬二八羅綺九雛釵盛鬢曼睞光徘徊笙竽雜奏流清
哇翹袖折腰襪生埃酡顏陸離交諛詼嘉會良辰歡正
諧娛光眈眈鹿哈巫陽招遠究難覩數尺荒寒蘭麝
土下土陳詞通帝閨九關虎豹當不怒望泉傾玉液望
原變瑤圃望發金光草望長珍枝樹望如植扶桑亘古
相依附望若種白榆厯劫不癯喻望兩曼陀羅拈花拜
佛祖望墜優曇鉢散花遇天女惟茲一掬清淨身色相

白鄉詩欽

卷五

十一

何 不 曰 呂 政

空入毘伽門五絲莫續薄微命萬種宜除煩惱根毋化
爲麴蘖拍浮酣飲飽饜養毋蒸爲菌芝粉飾太平蒙穢
發毋華爲錦綺紈袴容布素拙毋融爲金璆銅臭傲
晚清流咽而彼隆隆隱隱怪奇奇遠濔倉頡造字水
近堆嬴政焚書灰蚪文蟲隸悶幽隧竹墳汲冢通荒岬
必扶其質於佩阿立其幹於淬如垂其條於尙卿粲其
英於回氏煙露不得黠華藻霜雪無由萎芳蕤班香范
艷鬱丰茸造化在手眞花師乃束千株萬株藥驅向胸
中歲歲旁魄開

讀林屋吟榭十女史詩書後

正冷十字

風華南國十蛾眉黃絹終輪幼婦辭何過偏多謫仙子
反托女史
無才真悔作男兒名花香徑三生夢流水高山一卷詩

我合倒身常下拜繡君想像買吳絛

無題

鳳臺簫管引諸姬閃睽銀鏡照步移
酥乳動搖珠蓓蕾
香屏坐倚玉蕤麝私從伴裡調歡笑
怕聽塲頭話別離
聞有紅紅能記曲料應不語皺雙眉

淺淡知和闌掃妝更翻粉樣學蘇枕回頭綽韞腰肢軟

白鄉詩鈔 卷五

引袖微噴香李賀詩羅芳草自迷癡
蛛蝶梅塘誰

逐野鴛鴦浴中司馬重來和妬擊羊車錦瑟旁

掌上蠶兒顫翠翹追歡都願整今宵笙歌湖郡三千履

風月揚州廿四橋引領游仙真有夢修眉作史又誰招

疎狂杜牧殊堪笑魂斷鼙鼓麗譙

笑窩微漾臉邊霞兩點星瞳去住斜
碧玉佳期佩鈿合

飛瓊影散雲車一年悵結章臺柳
十里春深杜曲花

咫尺紅牆銀漢近下簾鸚鵡啣詭家

讀蔣鉛山忠雅堂詩集題後

六有感因再四國之憤極
冷字意行圖之不故以是至
也

聯音塔上音又音丙

蓓蕾音倍盛始華也廣韻
從經說

歲鞋音夙蒙說文華草
木華岳敬

袴音庫服衣也

褶音集又音墨袴也

一枝筆如一尺鐵一卷詩是一腔血噴薄百家入心眼
齊梁小兒盡矜舌胸填壘塊腸槎枒不可一世志滂漉
富貴掉頭少快意鷓鴣鳳庸肯愛鴟嚇悲歌長爲古人哭
慷慨憤擊唾壺缺詞鋒閃爍揮不停直破鴻濛劃天裂
抉電掀雷滄海翻黃河倒挽喝使咽驚飛風雨走靈怪
餘氣成虹駕天闕才魄悶放尙雕劇巉巖紙上捫有骨
肺腑淋漓酣且嘻纏纏千言字皆熟杜韓蘇黃合一手
當時才人孰頑頑臧隸儕命袁翰林子弟行視趙觀察
雄喏時復爲雌吟有院本填詞九種行世往往纏綿露騷激奈何

白鄉詩鈔

卷五

十三

數奇歎不偶由來才命相磨軋聲名藉盛達 天鑿編
修一官老鬢髮公歸兜率三十載摩挲遺簡獨心折西
江詩派久卑靡鉅製今更駿虞揭兀坐琤琮研聲韻瓣
香日執爲公蕪鷗波草堂釀花榭欲向藏園攪故蹟我
亦風塵淪落人把酒遙酌呼明月

後猗筆池歌

彼蹲踞者勢何猛弩目精閃星芒熠日張巨頰腹蘊羸
得毋隄靡膏澤酣雄威獨備誰匠巧異物乃徠南山南
當日蕭森立巖谷呼吸風露掀虬髯一朝燒尾化龍去

遺根未吮僵前噉雷熖電燹動牙瓜精魄猶足奔獵虺
咆哮起犖走西海蹴踏雲霓天日黔中遇神工忽呵咤
蹙地齧齧潛舂澹鞭向管城任用使縮身半尺驅蠹蟬
時作狡獪獻伎倆翻胸吐水同玉蟾黑濤滾涌波譎詭
傾注那俟琉璃嵌一揮萬紙飛墨瀋噓攫兔毫厭老饒
二螺九子盡吞食至今蒼潤毛髮髮神質瑰竒合寶貴
毋棄沙礫埋蒿歛取材篋簞實天具人工固未窮錫劓
余膺淫癖嗜古玩贖取無力思針砭每懷研山不可見
流傳豈隨硃碓滅默處蕭齋少玩賞蟲魚數册資清談

白鄉詩鈔

卷五

十四

同人游戲翮燈謎資器羅列皆瑣瑣鑿險繩幽角負勝
一發得此情歡欣携歸摩挲日再四斷斷似欲騰巖摻
五鬼六魔劇荼毒吾今藉汝排瘡疔獅汝遭際亦連蹶
豪家大宅常晏慰胡爲捨彼愛窮腐晨夕相對抽牙籤
傲骨嶒峻博俗忌攢纒眊白鋒難銛元光陶泓各掄笑
壯志將如榛蒯芟丈夫處世要快意須錢百囊文百函
噴噴煙雨溼千尺仰空咄咄書雲藍蛟螭助挽銀漢浪
青松遍灑成優曇掉頭擲筆復狂叫何不唳吼徒視眈
我飲斗酒汝斗汁兩家風味良醴醴會當乘酣騁雄怪

和我高嘯聾愚凡

同虛堂湘人夜集古香書屋

蕭條生計歎癡蠅一到君家興卽騰艷艷花開清似玉
娟娟月上冷於冰阮何風貌看誰並高李吟情得我增
短檻疏窗星漢裡作圖爲寫剡溪藤

涼風拂拂勝蓮龜剪燭呼童漏下三詩合漢唐思備體
人同晉魏好清談宦場豈敵尊鱸美世味難回橄欖甘
莫道秋心悲落葉後遊昨尙夢江南

秦女帥行用吳梅村圓圓曲韻卽效其體

白邪詩鈔

卷五

十五

滇警蠻氛動蜀問跳刀又見走燕關瑯戈精銳摧戎壘
巾幗英雄慰帝顏翠闥瓊閨何足戀褻釵豈必相酣醺
平陽幕府幾時開羽檄飛傳懽召見紅旗簇簇屬兒家
粉黛軍容十隊花鞞鞞新裝重結束一鞭電閃箭雲車
播州雌鳳生何里羅刹淫娃驕錦綺妄想昭陽正母儀
夜郎自大煙塵起此日妖星井鬼躔錦川風月寒如水
玉稍揮刃雪霜飛九股苗酋各遁歸金兔海龍雙騎破
桃花汗血點韉衣白棹兵威達鸞掖夫婿聲名人愛惜
長思執鐙隨行營那解彈箏對坐客日墜虞淵忽昏暮

明珠蕙苳悲讒訐伏波心跡竟誰明銅柱功勲疇復顧
藁砧斷絕泣冤禽部曲慘悽遼水渡不死囹圜苑戰場
阿兄未怨貂璫誤徵兵往返匪艱難寇鴟張勢不安
繡甲捲趨扼關隘燔船夜向兩河看枹聲已接瞿塘峽
烽火潛消劔閣闌萬衆力攻敵圍解三江據險猱獯還
猱獯遠徙鳩盤進虎穴深探烏撒定掃清雲貴奏饒歌
娥眉獨署將軍印將軍懷懷叩皇都闕下請纓朝萬乘
內人引見對平臺臣妾丹心炯明鏡不效木蘭瞻故鄉
併使征塵老鬢霜博得官家雲漢製黃綾一束字千行

白鄉詩鈔

卷五

十六

錦袍玉帶傳天語分詔麒麟繪鳳凰回在麾軍防徯口
蔓門剗截七家王冒鬢錦繖張庸累奪纛擒渠半生致
龍泉淬劈陣雲稠健鬪腰肢翻窄細誰料督師驅賊來
猱獯從此橫川地使君紫綬收綿城斗酒論兵仰重名
建旆難進撫軍策斷袖應知嫠婦情破家殉國身空在
畫地成圖眼孰青噫嘻乎封疆直據蠶叢宿杜宇哀魂
啼不足劍血人沾寢殿紅弓髯淚洒岷江綠浩劫滄桑
今古愁山河破碎歎神州更憐四鎮蟲沙盡莫問南朝
馬阮流

妙在不著力
處

遊浮洲寺用壁間羅念庵先生原韻

涼意蕭颯天風生空水澄鮮雲影橫閣下漁舟棹歌去
寺中忽發清磬聲前山有靄禽鳥浴夕陽參差城郭明
澹忘俗慮讀殘碑焉得杖屨陪相經

薦福寺懷戴幼公

昔日煙波宅詩人自結廬復聞花月夕刺史共停車氣
誼層雲外風流逝水餘莊嚴瞻法相何處問遺墟

題畫冊

郭索復郭索爬沙望潮作如何尺幅中料峭風雨落監

白鄉詩鈔 卷五

十七

州女毋饒六螯不可攫石嶼

落墨灑秋江衡湘煙水暖傍蘆自啄息如結三兩伴誰

知達者心興寄寥天遠蘆雁

冬日郊行

水餘光滑笏山露勢植榭林木饒僧竈風霜破鳥家一
囊驢背穩十斗甕頭賒黍谷春難轉蕭條感歲華

雜興

兒女英雄意緒同談詩擊劍仰高空風情芍藥紅窗裡
格調梅花白雪中歌扇酒衫傾洛下銅絃鐵板唱江東

科頭綠髻搔頻斷一代豪華那數公

消磨廿載困雕蟲稿守書齋地半弓延納豈無孫北海
遨遊應識米南宮五湖七澤烟波渺兩晉三秦氣象雄
縱是囊慳難作客短衣杖策且從戎

關山萬里越西東慷慨辭家伴塞鴻聲氣遍三千士外
姓名慙十九人中叢臺走馬朝雲黑易水驅車落日紅
自識封侯無骨相年年沽酒過新豐

眞宰茫茫事迭更西都不復問君平窮愁自有千秋恨
富貴終同一紙輕書啟未投唐宰相衣冠猶是魯諸生
白鄉詩鈔卷五

可憐廣武登臨後慟哭空山少步兵

白鄉詩鈔卷六

樂平董元憲白鄉著

諸友 及門 編校

送汪時夫往廬山

黃鵠東來兩翅騫
翩然揮手上廬山
廬山冷落已千載
萬象偃蹇空孱顏
五老守彼不仙去
笑指長江何日閑
江上連檣去如織
那持一掬醫貧頑
簾泉絮海自終古
不遇清流天亦慳
王謝門庭誰婉變
司農家世人皆羨
軟裘快馬盛風流
擊竹彈絲促謹讌
少年折節慕賢豪

白鄉詩鈔

卷六

一

辭家忽發探奇願
欲向遠公求秘書
一帆直起飛彭湖
孤鴻滅沒楚天遠
慘澹雲氣連蒼梧
身落鏡波濯塵慮
春心綿渺寄烟蕪
霧鬢遙似現天際
清魂遠與雙瀑俱
杳靄深巒待爾往
臨流悵望翻愁予
陸陸駒隙虛神契
布鞵芒屨何日至
立筇占斷廬山春
諸有前塵付夢寐
不見岩頭一片石
祇剩香山髯蘇數
姓字如何咫尺滯
游踪花鳥怨人不
解事白鹿青牛入
遠雲松煙空覆南
唐寺君之此行實
佳哉奧區屐可關
異境詩爲開歐亭
謝址遍吟詠便如
古人重對相徘徊
相徘徊古人已往

今人來江天雲樹動離思祖別河千歌落梅明年我趁
秋風健快與匡君同把杯

海棠吟

倚檻天斜欲語時柔鬟微整意遲遲半痕苔碧粘香袖
一抹潮紅暈玉肌當戶鶉啼西蜀思隔簾人諷晚唐詩
風流不用藏金屋香國春深判我司

留仙拚使皺仙裙捧頰嬌顰氣益芬已遣芳華通皎鏡
更誰消息問行雲緩歌玉樹停三拍寒護紗幮瘦一分
撩亂柔情情正劇凝妝渾似待夫君

白鄉詩鈔

卷六

小謫塵寰月未三晴窗日暖態微酣生來未受疎梅聘
艷處真教俗李慙舊夢如逢正寒食春愁不斷是江南
破除雨妬和風狡長買娉婷一笑慙

一片芳心寄遠蕪輕盈欄畔倩人扶髻釵鈿翠簪花韻
鞠弋流鶻滾蕊圖不奈綺春真似水可堪粉淚又成珠
明年珍重華清睡再莫催開喚玉奴

春日同汪虛堂及雲帆昆季至余村訪朱湘人次

日湘人有詩見寄依韻和答

麗華采采音咬咬城南紫陌春風驕一鞭不騁紅叱撥

問渡綠楊舟子招五里朱樓遞掩映其中似擲秦絲嬌
灣環遍歷武陵舍窗檻疎厥神清超入座不知主客禮
襟懷近撮王劉標品畫評書論今古睥睨何者稱人豪
今年花事爛如繡流鶯嗔我銀缸拋感君此日留髡醉
便須痛飲連昏朝倒捲空江作春酒紅螺綠蟻紛奔邀
酣呼意氣各類放恨不解遺金錯刀燕市悲歌覓同調
侘傺都膺貧賤勞連歲生涯事鉛槧直如杯水浮堂均
素心况弗共晨夕片時把晤愁難銷離思慘淡落煙靄
樹外昏鴉飛遠郊澄波渺瀰送孤艇香薜芳杜咸蕩搖

白鄉詩鈔

卷六

三

停雲幾度望顏色水隔衣帶非遙遙題詩倘可煩惠寄
塊壘盡傾胡不陶他日剡溪再相訪坐看江月懸林梢

卽事

松膠一斗勸歌鶯兩月離懷恨已平芳草遊絲春晝永
牆頭時喚賣花聲

東湖竹枝詞十首

一篙軟翠碧於菘靄靄青山澹澹波生小兒家湖上住
房櫓消受柳風多

左邊柴巷右毛園兒女妍媸兩地分都有一般癡絕處

碧霞宮裡拜元君

泊棹湖頭訪若耶捲簾茜袖映窗紗卿卿自識相如渴
喚點龍團小餅茶

蕩漾花間一柄簫青帘白舫喜逍遙阿儂不是臙脂虎
怕共歡游拜虎橋

上湖菱芡下湖蓮采采歌聲出畫船妙撥蘭橈儂盪漿
教郎中坐看誰先

檀板金樽夜未閒高舂倦起整嬌鬟長年好與叮嚀囑
只載郎來莫載還

白鄉詩鈔

卷六

四

烏桕門開一鑑侵東湖難浣別愁深湖波盪處同歡意
湖水清時似妾心

流蘇帳啓玉釵斜雲髻穿排茉莉花最是新妝傭見客
辭娘侑酒在他家

窩號銷金銷也無笙歌真欲比西湖娘們擅絕琵琶手
又聘先生教女雛

曲曲拖藍勝館娃水晶宮合貯裙釵誰造湖樓三百所
風流那減舊秦淮

永福寺元鐘歌

永福寺在府治側一樓聳立天半司更吏侵曉
擊鐘爲一郡興起之節鐘鑄于元元貞二年重
一萬四千斤樓將崩時鐘飛至檻外毫髮無損
今臥棄道旁殆將十年而樓猶未葺因歌以紀
之

九天驅下蒲牢鳴龍象交羅皆震驚僵伏祇園咽雄吼
於今酣鬥無長鯨自昔此地奏仙梵蓮花座下音鏗鉤
大千世界夢魂擾藉爾鞞鞞醒羣生摧摺魑魅閱人代
形形腹背蛟螭縈蝌文斑駁仰梯讀年維有二書元貞
賈氏供獻覬祈福子任別駕長安亨再祝帝后各萬歲
輪此勝寫華嚴經金精轉潛熠回祿燿燮冶就星熒熒

白鄉詩鈔

卷六

五

剖血大蘭釁九乳釋迦顧笑幡幢迎香煙醜藹花雨墜
剎那膜拜歡聲盈邇時眞珈苦荼宋薛禪崇信誰能瞪
毀陵砌塔宮作寺石鑱禿像何醜狎五台天壽復營造
至元覆轍爲家型延及番僧進秘術演撲荒淫頰不頰
十六天魔下按舞諧佛齊撥琴琶箏瞬息北河避兵急
聚鐵鑄錯空涕橫西崩東應理則有銅狄摩抄歌白翎
變易滄桑幾百載流傳可值千瑤瓊虎形躩踞熊蹲恥
鐵幹上絙搖光晶危樓遠可聞帝語兩欒撻擊金礮砰
含號烜赫響洪徹萬竅噴怒雷霆轟川愕谷悚靈怪泣

半空窳坎敲攙搶疾徐儼傳十八拍若震若盪逾曾吟
炭峇遞催陽鳥曉我嘗聽之心怛怛年深樓壞欲摧折
一木已早難支撐旁近居民懼覆壓景陽未動隳高臺
詎知寶物自通慧呵護那須鞭甲丁牙角鬚鬚神尻起
夔首騫騰風雨并恍惚金身聳丈六羣仙合選招杳冥
颯輪搏激迅盤轉驕然撲地銅山傾觀者咋喑相嘆異
四圍欄楯高張棚數逢塵劫韞精采亂投瓦礫藏颯颯
萬戶千門夜弗旦聲非宛惋嗟啞錯我生嗜古遇碑碣
搜剔苔蘚窮潛英舊云唐鐘製奇古鄒嶧岐陽堪與京
白鄉詩鈔

卷六

六

紫極觀聞毀兵燹遍訪中外無知名可惜浮金共埋棄
他年疇辨車鐸聲杪櫛微旨參妙相茶板粥魚如交賡
奈何碧玉長臥地發音烏容撞寸莖仰看浮圖刺閭闔
風鈴時夏吹鸞笙焉得當事鳩工力麗譙重建金索緝
晨雞再聽汝南喚大叩小叩鏗韶韻震入垓元破混沌
鏗鏗遙和鈞天清

道中卽事

肩輿仄坐體常麻迤邐行來盡稻花遙指涼棚山外架
冰盤獻客賣西瓜

夏日漫興

涼颿起井桐移榻碧蕉中杓辨甬冷水樽開下若筒急
雲多腹雨遠漢忽腰虹渺渺滄江夢蕭疎遠素衷
懶夫無箇事晚作灌園丁煙暝千山日風搖一樹星市
喧依漏寂夜課避蚊停轉喜鑪香燼幽懷寄杳冥

白蓮詞

明月娉婷在三五剪綃夜學漢宮舞星光靨靨風微寒
嬌卷芳心睇不語薄扇輕羅螢影流謝家樓上聞笙篴
碧煙如夢隔湘水湘水深淺難載愁宛轉千絲自縈臆
白鄉詩鈔 卷六 七

紅蓮詞

艷冠橫塘意脈脈芙蓉城主遭遷謫香風一陣吹蕩搖
笑解佩璫欲誰擲綠翠團圞擎幾柄願持荷葉作明鏡
開匳紅袖皆雙身含頰甘作鴛鴦媵可惜鴛鴦長別離
芳顏難保空怨悲蓮房又結相思子石爛海枯無盡時

六月十七爲先伯父新尉忌日揮淚賦此

荏苒傷心隔歲期衣冠難問舊鬢眉一坏冷落楓郊暗
卅載追依鵬鳥悲佔暉更無詢字日睽違強作別家時

半生空是憐猶子腸斷孤城上冢遲

做篋猶存數紙書殷勤總是細箴子棲遲旅館嫌身世
阻隔泉臺昧起居士女口碑長涕泣子孫手澤各欷歔
青燈回首嗟相負拓落而今果孰如

文衡山東坡遊赤壁圖

爲汪敬人賦

髯蘇賦遊語奇詭橫捲楚江入筆裡衡山作畫勢雄濶
筆端又噴楚江水後人難及前人遊前人遊踪今尚留
半幅生綃看未盡疑憑一葉風颼颼峭壁千尋鏡萬頃
蕩搖星漢裔雲影山川杳萬鬱青蒼響寂魚龍洞簫冷

白鄉詩鈔

卷六

八

明月徘徊終古新曠觀不見橫梁人狂歌笑傲總陳迹
水長淼淼山嶙嶙鬚蘇物化時已久鬚眉重起衡山手
想當箕踞落墨時真欲呼公酌杯酒吁嗟乎內翰一官
何遇窮天涯遠徙成飛蓬齊安移置豈爲累攜客遨遊
心意空待詔聲名宇內徧朝臣推重亦交薦云何三月
棹頭歸娛志丹青棄薄宦短艇幅巾百無憂遙繪眉山
招拍浮至今展翫淋漓處渺瀰煙波公在不眉山旣逝
衡山往尺素流傳共珍賞名賢揮洒如飛仙陡把江湖
落人掌我意慕蘇兼慕文羨君得此踰縑繡蕭齋靜對

發高唱萬斛雲濤天外聞

數點梅花吟社歌贈汪雲帆兼示虛堂諸友

颯厲霜嚴素鶴臞江天慘淡夜啼烏西湖處士吟魂槁
冷落梅花翠羽孤圍爐清話神方洽敲句輸誰壇血軟
破萼仙如尋社盟散花天爲說詩法疎影橫斜是幻身
文詞結習現前因高芬指示三唐體逸趣流傳兩晉人
絕代嬋娟妙眉宇風騷合作梅花主一門羣從步烏衣
諸弟清裁誇水部倚梅風度又翩翩舌本能翻玉井蓮
獨有供梅持古誼儼耽學道悟空禪餘者續紛英采綸

白鄉詩鈔

卷六

九

角奇門險場分擅狂呼時脫白紵巾劇飲遞傾青玉案
樓外飛香撲翠缸雅懷好拓盧仝窗補成蘭萼離騷韻
按到笙簧水調腔天籟泠泠吹不已梅心轉入栗心禪
月落參橫望美人高山流水思公子撫罷淒清鐵角哀
梁園作賦動羣才瓊瑤應共錦箋落咳唾不須銅鉢催
香國欲開詩世界低頭都下梅花拜半榻閒停玉雪團
一筇遠踏梨雲碎君與梅花日唱酬花亦同君結勝遊
莫將驛使尊前色更起山陽笛內愁清流多愛羅浮夢
鳥語毋驚嵐壑凍那日重逢苑北妝誰家獨鼓江南弄

予生侷條遍婆娑每遇花時喚奈何開閣招朋無盛集
巡簷索笑獨酣歌忍令廿四韶光老幾度題花花壓倒
遠寄難邀越水筒幽思未斷湘江草最喜君詩冰雪腸
誦來咀嚼春風香艷什已兼楊柳曲瑤華宜贈水仙王
循環百首俱清越怪底梅花作君骨溫段題襟讀未終
掛吟驢背嘯林樾

送彭恬舫孝廉之津門

去年郡城楊柳正飛花遨遊醉帽風中斜今年縣邸楊
柳乍銜絮驪唱忽催江上查會少別多古深喟聚散往

白鄉詩鈔

卷六

十

往如團沙晨夕素心盼千里鄉園矧可同蒹葭憶舊讀
君詩瑤林霏玉屑上宗王孟奉瓣香下嗣高徐汭派別
兼管聞君語杜鵑夜啼血散騎悼亾淚盈裾諸雛繞膝
謀生拙織春芳草綠迢迢南浦離愁魂夢遙行李一肩
負長歛悲來兩鬢徒飄蕭天涯演逸不可極誼感古人
今雨招獨搖畫舸壓江去掛帆峭赴津門潮饑驅作客
良不惡萬水千山健腰脚杜陵直登嚴武林玉谿遠入
茂元幕古來記室事戎行磨墨看鼻筆如稍將軍破賊
凱歌回草檄飛書壯沙漠帳下呼隊彈銀箏此時知君

酣且樂况復津門地驂轂來往多
既號魚鹽國亦稱風月
高水西觴咏可重繼
主人毋乃查蓮坡莽莽黃雲沒
碣石蒼蒼落日沉
渟沱渟沱浪急天吳嘯拔劍砍地四顧如何
北望不見黃金臺嵯峨登臨恨似樊籠鳥羨君走馬長安道
幽燕雲薊一一收吟囊生不封侯亦可老
緬想春明意牢激何日都下共傾倒
清秋應有南飛鴻屬君寄我萬二千路題詩草

題汪潤生詩集寄示虛堂雲帆

我怪顏皇造字胡弗已文章乃使邱山起我怪國風歌

白鄉詩鈔

卷六

十一

詠誰所開才命摧磨從此始揮斥風煙意與豪半世功名錦囊祖一朝墓草鬱葱龍空抱詩篇泣青史不見健者汪潤生胸中耿耿藏星精雲霄半鶻動高唳萬里凡鳥噤不鳴當其奮洒走神怪奔馳雜還搖銀旌疾如紫電倏騰閃銳如鐵騎交門爭綸巾羽扇有餘暇洪鐘訕止彈琵琶或復慨慷寓騷怨幽情掩抑懷湘靈六朝繁艷學相贈美人芳草時娉婷餘楮猶成五色組視波溶漾墨蛟舞男兒不能驅馬勒燕然要須七字擅千古同社遜推作領袖江西派續涪翁譜惜哉物化苦吟身不

與鉛山爲替人此才但得老中壽應使谷園標格重清
新來從梅花國去署梅花神乾坤想亦畏剗刻風襟月
抱冷落冬復春吁嗟乎當年居址隔雲山把酒論文綠
分慳館舍秋飄數過從山陽遺恨已潺湲諸君和作盡
珠玕阮謝一門羣彥在自覓新句豁煩憂清妍流盼愧
庸猥祇今蓮長屬吾儂時讀書浮舟
寺荷花盛開千頃玻璃貯紅蕾
潤公潤公此後遊戲遍人天莫將嘔心一帙訴真宰竊
恐真宰悲愁雲晦冥阻我狂歌萬花海

夏日假榻浮舟寺卽事四首

白鄉詩鈔

卷六

十一

半灣瀛海歸東湖天籟泠泠吹我裾翹望羣仙共抗手
呀然樓閣凌空虛雲影波光漾清暇憑欄領受悔今乍
移家那用浮江湘沆瀣吸湔塵俗腸一盃轉復澆陀王
寺內有
華陀殿

水煙花氣時濛濛欸乃不辨聲西東須臾景歛浪溶裔
美人相對湖上峰佛堂梵定寂無語雲白山青鳥飛處
藻苻參差搖夕波采菱歌斷采蓮歌遠望臨流君謂何
三面臨開暈碧玉青天倒影鞞紋蹙蕭蕭殿角午風涼
香沁心脾茗剛熟周易一卷華陽巾彷彿昔年晞髮人

園翁喚我時佳樹夜鋤明月朝漑霧相逐城南賣花去
渴虹橫跨守禪界臺榭忽移走蛟背雨笠煙簑徵會盟
白鷗飛下三十對一角紅墻軒混茫江天鐵笛落滄浪
蕩搖空碧水雲繞寶筏借參楞伽道可憐蒲衲鏡中老
同汪蓮舫秋帆星槎及陳靄亭游小西園

紅塵起堀堞撲面勢何獷藉欲滌煩襟漫游意終怪舊
愛百花洲湖光欲千頃馮夷怒折摧軒櫺委榛梗我友
能搜奇名勝相導引黃家小西園波目未窺詞譬若魯
靈光歸然闕清景又若別洞天煙鎖人跡冷叢桂正扶
白紵詩鈔

卷六

十三

疎妙香可深領丹葩更馥簇艷奪紫薇省荷葉大於蓋
索索語悲哽十丈藕船中不載娉婷影旁立樹婆娑晚
粧各明靚對人欲迎笑頗忘秋風猛一松橫偃蹇似羞
與噲等慰臺鼉騰呼起白龍醒怪石偏攢磊砢研剔愈
冏或竅穴凹邃或堆阜凸挺或牛馬驀澗或熊羆陟嶺
或劍戟兜鍪或敦盤彘鼎或圓列楸枰仙人接欵訾或
矮峙蘿扉園客摩首頂高下緬殊矚屈折寄幽騁佈置
欣瓏玲俗氛此掃屏其檻疎而曲或排如千盾其窗深
而垲或艤如舡艇其閣聳而幽或如山之曠其榭疊而

平或如野之町其橋互彎環如射者弓檄其池巧濬甃
如漁者笮簪觀覽非一狀山陰興誠迴回坐踞胡牀解
渴潤佳茗上有十老圖先達貌延頸衣冠或磚羸巾屣
或肅整丰神或僂軼儀態或清硬獻之書興濃山谷詩
思靜獨喜劉金門跌宕常酪酊可亭晚罷官天恩難
陳請九人返兜率一老孤星烟繪筆何奇逸洛下風流
永我聞輦山石譏每同畫餅堆砌失空嵌竹何木垂瘦
茲趣儼天構闔閭倏清翕疑入建章宮千門紛轉晴疑
入武夷山九曲拓靈境題署次髯翁勝蹟亦秦郢闕置
白鄉詩鈔

卷六

十四

空無人久住福成肯直思卬如來金粟

輒借修行

游北蘭寺拜綿津山人像

川上波濤浩呼洶熱公旌節昔迎送猿啼禽怨已百年
江天冷落葬詩夢國初諸老盡豪僂僕指首亦推二
宋荔裳悲憤如靈均鳥語花飛有餘慟公也雍容入
綸扉再世承恩獻雅頌文酒譁燕樂何如聲譽漁洋
自伯仲一麾出鎮來洪都從此吟筇落章瀨棨戟肅清
鈴閣閒放衙三五蓮幕從林下幅巾意蕭疎松牌題句
鶴哦誦僧衲晚參猶未回明月對鼓梅花弄得嘉泰本

槩施注心祝眉山辦香奉開府金陵復提唱大江左右
衣鉢共箬笠芒鞋如散人瞻仰遺像薦生蕤秋屏訪古
跡不存南豐姓字壓瀕洞後來繼者惟商邱譬華衡岳
峙荆雍乃知勝蹟多湮沒一遇名流價增重峴首登眺
袂蘭亭其人已往偏感諷游踪附香樹錢檜門金合傳
去聲氣味同酪湏生長菰蘆我太晚耽詠疥壁時慙恐韓
陵片石邈無語一名欲立終鑿空振襟再拜發悲喟他
日何地稅清供滄桑轉換爲蟲沙乾坤兩戒奚我用安
能汗漫從公游長嘯丹山跨鸞鳳

白鄉詩鈔

卷六

七

婁妃墓

婦言不用汝誠愚宮寢荒涼跡已蕪切莫三生來故國
可憐一死謝狂夫潮歸夜月哀瑤瑟草化東風怨鷓鴣
淒楚斷碑三尺在廟筵何處聽歌歎

徐徵君故宅

破屋兩三楹清風直至今幸留高士宅如對古人心山
木寒雲重城鴉暮雨深徘徊空自惡江海濯塵襟

歸舟有感

雲霞萬頃浸湖波渺渺予懷恨若何命裏未曾逢丑厄

生來偏是得秋多
那須論卜煩司馬
幾欲投書問汨羅
墮水幾不救
疑此句爲祟
載酒一瓢身一葉
中流浩蕩且高歌

白鄉詩鈔

卷六

六

白鄉詩鈔卷七

樂平董元憲白鄉著

諸友及門編校

述哀十首

二月出門時再拜別阿母阿母性素嚴惜別意無有囑
云學宜勤榜花看秋九此外慎起居他事不關口兒時
謹受教奉養託荆婦念欲博科名歸日上壽酒生年胡
犯卯噩夢驚窗牖奄奄氣若絲望子猶回首槌恨遄歸
遲湯藥誤盲瞶眩一去重泉隔來省知近久匍匐泣靈牀
白鄉詩鈔

卷七

識兒在旁否悠悠天不仁失恃更誰咎

夜臺何寞寞泉路何迢迢悲思望無極心與雲俱遙進
食羅壺漿猶疑母在堂弄雛餘棗栗猶疑母在室嫂娣
笑語盈締聽疑母聲雀鼠穿垣墉蕭起疑母行夢境日
恍惚醒時淚橫臆衣綻不忍縫線線母心迹匝塵不敢
澣口澤賴存識吁嗟春暉謝菴苑報奚力

家世久貧賤謀生在南陸薄田二十畝藉此給饘粥所
嗟鮮昆季可以任耕牧我父髮早皤境乃值窮蹙衰年
形影單暗室數悲哭長跪告阿父未語涕先斂母壽忽

已終兒罪焉可贖啣悲兩無言棖觸心煩紆古人重祿
養我乃筆耕畝仰天一號慟菽水歡常虛逝者長已矣
存者當何如

先伯曉窗公少謂吾聰雋祖父多隱德衰宗子可振頭
角待崢嶸摩天揚巨刃誨之十餘年頑鈍鮮尺進跛鼈
難追驥賤秩敢誇瑾秋闈屢見蹟老淚或先引一旦歸
道山填膺恨同殞轉眼多死亡

二伯母及三伯母二伯父俱於數年下世

頓使名心燼風雨望迷離魂斷西郊櫬

時先伯尚淺厝未葬

閨人素多病手指時拘攣佐助無婢妾漿飪力愈殫入

白鄉詩鈔

卷七

二

門廿餘歲目未識羅紈可憐傍寒士鹽米亦辛酸翹望
夫子貴布袖淚曾斑往時吾母存內任賴幹旋月明在
三五婦姑話團圞挑鐙教孫讀清况誠足歡何意秋颯
惡遽摧北堂萱從今越伶仃相對眉常攢爲我事阿翁
殷勤勸加餐

一子甫十齡生來藥裹扶憶當髮未燥覓乳母勤劬撫

育及今茲形神一何癯二弟連歲殤

焯兒戊子正月歿摸兒己丑四月歿

母涕常沾濡倏謝人閒世下弄掌中珠不見庭前烏啞
啞鋪其雛其雛已舉子又復啞啞鋪鋪雛及二代反鋪

一日無時暮天雨霜摧頰毛羽枯寄語遠林鳥慎勿如
老鳥

章門乍解纜洪流已如箭湖滂至湖心怒濤濺人面颺
颺壓江來一落埋昏漩豈掣剗犀刃下與蛟龍戰鯨吸
入艙底驚魂絞波練天令扳危柁作鮪逃鱷膳引身綠
釣絲篙工手亂顛迴眸數十里人鬼判一綫魄定肉痛
跳旁人互悲羨靈均想見招欲署水宮椽向知失慈庇
長往或無患畧舉告衰親夜坐重感歎

浮生蹈危險翻覺淪神智從此窺道心安念屏魑魅萬

白卿詩鈔

卷七

七

緣悉前定未來安所勤富貴溺歡場貧賤足佳致譬若
簞肥甘腹果每爲累不如彼藜藿淡泊有餘味矧余性
狂直入世益憔悴脊骨豎嶙峋胸鬱幽燕氣風木發悲
哀不酒窮途淚

知心不數輩

朱湘注
人昆弟

各風流夙昔結蘭契與我相綢

繆星散緬脩阻往來誰與儔一子依座側課讀聲啾啾
抱疴屢廢學內省心煩憂行年將四十一第曼難求科
目庸重輕親老雪盈頭晝灰願不遂痛已歸山邱形骸
僅如贅歲月空如郵意欲謝朋侶同女飯松牛

古來仙佛踪昔亦世頽頽騰化理難憑諒俱黄土葬不
然血肉身何處食齋養一棺闕幽隧衆咸賀佳壙破涕
反成笑體魄幸無恙三釜與萬鍾緬言意增悵枯魚泣
銜索風泉自悲愴野鳥聲啗啗林陰助哀唱冢畔植松
楸精魂或相傍墓墟日瞻依嗒焉心已喪

憑傾

酹墓憑傾淚點深何堪仰報倚閭心十年負米嗟猶緩
滿目淩其寸草吟

流民行

白鄉詩鈔

卷七

四

去年大水人在山今年大水山都移洞庭彭蠡相滙合
怒浸湘黃江鏡爲巨陂廬徙千萬閒疆畝一派盪淪漪
驅人民東西南北長化離解一四月淫霖水闖楣矣五月

洪潦水窺柄矣日日撐舸在室又聞淮河奔騰毀長隄
衝決下流若灌脾從茲棟椳椳題盡作鱗之而田已如
沃與伊人亦如鷓與螻解二孩稚乎貯蘿薑少壯乎擔釜

錡婦女乎携菅移前頭至者何絮絮後頭至者又纍纍
老幼號哭縣門拜求尹公上請振荒黎朝開倉難作一
旬糜暮開倉僅支三日醜尹公無策對汝常漣洏汝自

行乞療汝饑

三

叟顧謂阿子棄家往路歧妻顧謂阿夫

生死長相隨萬水千山耐寒餓形容乍見驚魑魍長跪

告村翁賤子昔叨祖庇家有餘貲時時白飯飼犬羸今

啖糟糲不得如龙豨掘嚼草根與樹皮得食糠屑甘如

飴

四

村翁聞之亦涕洟答言恨我非陶猗蹄持斗米相

贈遺百人集食同餓鳴

五

解雨何爲而霖霖風奚自而澌

澌霜旣威而皦皦雪

復虐而霏霏晝飢鳴之軋軋夜

僵臥於冰澌昨日姥死無棺槨今朝父死難舉屍同伴

道旁悲泣各各嗚嗚求掩骼鬻百錢賣一女千錢賣一

白鄉詩鈔

卷七

五

兒後日女爲爹婢願母痛摧之兒爲爹奴願母苦答之

六

春氣動草木滋他伙襁負歸耕耜我家何在作宮寢

於馮夷兮我田何所輸湯沐於支祁兮惟向天涯轉徙

祖壘難祭掃父母魂魄漂泊異鄉長餒而嗟嗟我何用

殘生爲行行蓬累吞聲悲

七

解噫嘻乎噫嘻疇弗懷里閭

疇弗樂親知汝何天南地北慘慘淒淒居址猶幸遠江

潯蛟龍無由巢嶮岷早稼水浸穗不鍊蟲食秋粟又復

如葦砒側聞長官報豐稔額外私派困逋追戶役修囊

橐賤房算塵絲來歲田園稍荒歉定將襍被跟汝同爨

炊
八解

鐵馬辭三章

鐵馬徠鐵馬胡不去白雲愁屯朝日埋蕭光曩履天未
開太乙驅遣廓塵翳宮闕飛躡千崔嵬齷齪飽荔空凡
材幾年翹首霄漢路棲傍檐屨孰羈駐龍媒變化籟天
閭再復逡巡斬風御吁嗟乎人間小兒方汝哈吞星掣
電一去毋復徠

鐵馬鳴鐵馬胡不止風豪雨橫勢相并戈盾劇戛聲鏃
錚殺機吐露心魂驚胸血漉漉常自熱又聞西海逃長

白鄉詩鈔

卷七

六

鯨一時竄伏碣無水會恐瀆灑擁江起不執丈八采深
阻凌虛咆哮亦徒耳吁嗟乎長安囁嚅盡公卿低眉卷
舌再止毋雄鳴

鐵馬悲鐵馬胡不樂屠龍剝虎事遷移山川猶是城郭
非荒原廢圃草芊長麥秀哀吟人不知塊獨居此疑守
雌豪駿乘時已奮躍昇平奕葉廣輪拓文恬武嬉多吁
眠處屢或憂燕巢幕吁嗟乎朱門箏笛盈堦墀清商變
徵好樂毋重悲

寄楊雪簾

古心炯衷寸言貌感敦樸譬如入深林翛翛見疎竹三
載相往還披拂清風穆一別再經歲鄉關阻遐囑想君
倚蘭齋長嘯俯雲木歎我非世器軀塗委身觸抱憾旣
終天罪戾何由贖縱動故人憐難望君子錄從此閉衡
門形影墮寒綠胡爲饑病驅渙忍謀脫粟無異勞者歌
音響傷煩促遭際頽同調匪天有偏酷春暮風花飄茵
溷隨轉逐所貴志勿渝相期在初服何日重晤對接席
解額蹙雲漢緬迢迢淒鳥下庭曲

紀夢游十首

并序

白鄉詩鈔

卷七

七

僕生年三十又七矣窮愁自守旣不能取功名
追逐於當世賢豪間使得異糧行萬里於山登
衡陟秦於水方江浮淮凡夫四瀆五岳峰巒之
演迤巖壑與煙濤之浩洶下至淺瀨闕窟具一
邱一壑之勝者皆搜奇抉異收而貯之胸中及
興酣抒寫則名山大川千巖百怪奔腕下而走
紙上令閱者如覩峩峩之狀而聞澎湃之聲焉
甚可樂也乃皆不可得僅僅從殘緇敗帙拾唾
餘而髣髴一二較之觀古人山水圖卷猶不逮

遠甚顧僕夙具勝情腰脚亦未尪尪而天必擠
之扼之鎖之縛之俾其糊目塞耳極手梏足槁
坐書堆與伏屍在豕者等求爲山麋野鹿未之
或許嗚呼何其窮乎然天能窮吾之身而不能
窮吾之夢是以行塗則夢爲筇杖涉水則夢爲
舟楫且也十洲三島身所不能至而夢至之清
虛紫府身所不能通而夢通之夢不甚豪矣哉
如是而僕又安窮昔東坡入廬山詩云而今不
是夢僕而今始是夢也作夢游詩十首

白鄉詩鈔

卷七

八

夢看匡廬瀑布歌

歌罷廬山高復讀謫仙謠仙巒附近不歸去半生匏繫
牢乎牢昨日新晴斷簷溜紫雲一片落衡茅中藏玉簡
字奇詭五老詢訊猿鶴嘲上言九十九危峰下言九十
九飛瀑不信獨欠居士容團瓢石梁玉峽自終古望而
不見心魂勞倏生羽翮風蕭蕭萬壑度盡松花飄白鹿
青鸞各前導失身忽落千丈潮咄哉造物騁雄怪橫江
矗立爭宮窳龜龍交鬥天蕩搖連山奔駭爲波濤衝激
崩法熊虎嗥長虹天矯飲澗凹迅雷飛電相砰敲巨石

巖巖裂浪腰掠潭斜趨不勝鑿月蝓噴沫星滾拋喬木
麋碎菹神鼇轉瞬轟兀怒稍殺耳邊似復聞笙響水晶
簾箔三百尺何年捧獻來潛蛟世無大筆詠江海巨君
請賦懸冰綃跳珠濺玉共揮毫紛輪萬道瀉胸臆擲管
驚移南斗杓笑卷練流作純束藏置懷袖翩遊遨嶺上
仙人贈瑤草餐此無異八瓊膏我意欲回歛然悟煙嵐
滿枕神鬱陶向者登眺何其豪嗚呼胡不遠向康王谷
開先寺一瓶一笠鎮日棲雲坳

夢望黃山雲海歌

白鄉詩鈔

卷七

九

胸中嶂岫金芙蓉飛出眉睫雲蓬蓬他方靈秘藉探索
洞天福地正好驂茅龍况如丹陽相去不十日如何幾
網孤游踪黃山多羽客下遺綠玉筇憐我在泥滓呼度
嵐壑重翠壁丹崖半隱現相携直陟天都峰遠見文殊
臺殿之聳峙側見蓮華跏趺之丰穠三十六巒落平掌
吳楚一髮青濛濛此時搏桑日漸躍白虹翳蔚起山脚
兜羅瀾漫幔林莽須臾煙岫失交錯溟渤萬頃漲虛空
山靈游戲誇海若天吳紫鳳忽飛捲噴濤鼓浪下藏千
歲鰐狐木杈枒露遠嶼帆樯往來何處泊左方壺兮島

漱石員嶠兮樓閣夙恨神洲不可見不知乃在獅子之
嶙峋與鍊丹之峯峒拍手大快乘靈槎曹騰飛上太清
家大千世界樂何有碧落回控青鸞車下看滌決不見
底箇中豈有恒河沙罡飈天半復吹墮依舊尋真投錦
霞洞名想怪塵心濯未淨令我日對瀛海長趺跏軒轅瓊
漿得勺飲那用天台采藥吹胡麻但願三萬六千日夢
枕遠涯縱似蓬萊變桑齒猶傍仙人種落花

夢觀廣陵秋潮歌

冷齋枯坐意兀兀四面驚茲莽蕭颯拔劍出門心遠馳

白鄉詩鈔

卷七

十

江海蒼茫與天接歸持斗酒相祖餞壯游鯨背夢追躡
詩魂嶽嶽不敢吞天外雲潮手招人雙闕屹立束橫流
橫流怒奪海門岌瀆洞行溢初勢張有如白鷺遶滄集
浩蜺下降復滂渤便如奔馬肆騰踏百里屯屯聲鳴雷
扶桑箕掃立旬楹揚汨馳突走森森蛟龍六駕何崖沓
羽林十萬擁戈盾如墻直進風雨拉侯波奮震誰合戰
飛射三千白銀甲噫嘻迅潮自何至云與月魄相噓翕
中秋既望湖頭高湖涌雪山駭巖業衝津決岸吼地來
乾坤失勢畏沉壓倏忽落潮自何去掣歸濛汜同轉柂

義和返轡潮尾低勃窣回翔但泝澗山川悖魄殭乍蘇
鯤鯨更訴馮夷泣我時震掉感且呼大觀瞬息孰掉闔
胸墨渟滋潑萬斛狂瀾一道共飛潛半空跛脚天宇寒
墨濤白浪兩吞欲胥神在旁視相笑吾子氣豪礪六合
且將舊曲小海唱歌入大江鼓蘭楫

夢翫西湖夜月歌

廣陵纔見潮頭沒復夢扁舟適於越晞髮江天足盪胸
饑眸吞食錢湖月湖東先上水明樓萬頃波光雨袖兜
大笑乾坤入靈鏡可堪人世聚浮漚下過戒壇昭慶寺

白鄉詩鈔

卷七

十一

錢王刻有佈金地蓮社昔除劫火災冰輪今捧慈雲媚
錦塘迤邐望湖亭提壺挈榼執重經簾帷雜選嬉春海
簫管流連落夜星徘徊獨踏孤山路半畝淒迷和靖墓
玉梅萬樹皆詩魂招鶴林閒共索句吟成笑別到西陵
蘇小相逢贈束綾中天皎皎彩雲斷金縷歌殘淚數升
美人名士盡枯槁倏絕音塵煙霧繞隄下蘇橋又白橋
波上蓬山更蓬島移筇湖北赤霞山聚秀靈區碧玉環
霓裳音響流茲夕冰壺色相現諸天不意天然畫閣
桂子荷花紛綽約耆卿賦手凌雲漢石佛梵聲度岳壑

風流難買去花翁一坯能傍水仙宮
靄靄澄輝攬芳草悠悠逸韻撫孤桐
坡老不來石泉死嬋娟浪際含顰起
塵蘚徒埋錦塢中臬禽空嘆陽臺裡
聚芳花卉怨嬪嬙半閉鷗鷺笑平章
可憐一樣圓靈影每來葛嶺倍悲涼
楊公祠外疊山宇獨耿清光照千古
姮娥慘淡泣棲霞灑向南枝嘯風雨
進登駝巘是湖西韓家別墅草萋萋
爛熳不逢萬花谷夜涼時浸碧玻璃
飛來峰上攀靈鷲石筍崑崙搖斗宿
慧理袈裟闢道場廣寒臺殿尋丹臼
石澗冷泠瀉冷泉披襟復愛坐潺湲
靈隱光推雙塔直

白邨詩鈔

卷七

七

峒嶺影掛一燈圓探竒再叩三天竺
漏下譚禪松謖謖山水長懸無礙身
人天同展觀空目此珠曲水稱飛觴
萬壑千岩意渺茫天香領悟三生石
雲樹稽留七葉堂登臨更盼湖南好
柳洲亭畔煙波悄垂絲數縷水鷺秋
啼鳥一聲山未曉子野廬爲功甫廬
幅巾笑傲渚花疎教坊豐樂圓詠已爭鸚鵡詩
卷存長護玉蝓問孰聯翩學士港醉墨
橫飛珠吐蚌大內御園誰主持南屏淨
寺作都講澄翠嶙峋慧日峰金甌四面
嵌玲瓏雲海鏗鏘奏水樂如聞仙佩戛
丁冬虎跑何日噴甘液南高笑兀蕩

心魄大江遠架桂蟾遊羅刹橫檠霜兔磔于墳那似鉢
池菴滄桑總不換清甘轂轉風篁聲習習塵瀟龍井味
醴醴雪齋遙訪西林院石磴華津行跡徧鳳凰難照舊
官墻杜鵑夜哭冬青面壯觀身似在清都陽阿浩唱又
重囑但乞若英盛三五歸裝我已擔全湖餘景就闌暖
寒壁霜露沾衣千里隔屋梁徬恍聽清鐘回首空思江
月白

夢上巴夔三峽歌

蜀中青筍高插天危梯絕磴難攀綠蒼穹饒削一髮懸

白鄉詩鈔

卷七

七

驚濤直噴衝長川猿鳥悲嘯愁不前行人遠望皆遷延
我夢遊之心獨竊置身巴東三峽間瞿唐歸巫湍洄旋
巉巖怪石戈矛攢連峰合勢拚噴吒義娥無力攻巖關
逡巡逃避收雙九雲霧陰霾雷雨闐得毋窟穴蕃神姦
五丁輕視一掬堅硯跟砢脊終鈎連吁嗟道斃摧胆肝
望帝憫惻哀其孱喬岳負險仍不悛乃呼鼉靈扼山咽
揮及崩豁如分餅怒崖張齧吞斗躔一江中貫繩緝撥
飛流迅瀉鳴聲濺睡龍走吼不敢蟠生寄狂瀾翻往沿
淨飈捲浪同奔驪坤垠駛驅入虞淵魂憑一葉遊釜鯁

與波爭命波復遄有時陡注遙山巔駕舟星宿探河源
進寸退丈天難扳緯節但聞腰鼓齎高者峻瀑低者灘
熊羆來搏週獰磐十盪九潰驚環環浪惡渦詭吹蛟涎
灑瀕峽口常厖喧江水悍利糜來舷柁工招搖載鬼船
我方震駭失壯觀意欲憑虛颺羽翰千山何處響杜鵑
陽臺縹緲梳煙髮珮環冉冉招雲端

夢入瀟湘九嶷歌

巫山杳靄十二峰上有神女朝朝暮暮行虛空吸風飲
露向何處翻然顧盼來神宮陽臺翠嶺獨登眺又見湘

白鄉詩鈔

卷七

古

波洶瀾與夫九嶷煙翠之深重愴怍樂無極奮袂遙相
從固亦不知荆蜀睽隔幾多里但聞虛濤耳畔聲吞撞
何日曠曠於涔陰天沉沉於江滸吹差參兮不聞攬中
洲兮芳杜歧予遠望道脩阻猿狖悲嘯弭節容與或停
神女之行雲或灑娥皇之淚雨悲譴異而雜糅是耶非
耶將焉取旣徐悟曰一處巫山陽一居洞庭浦昔日遊
巡翔六龍雲旗委婉衆驂舞倏忽弓劍泣蒼梧帝子西
追悵莫覩烏啼月落叢竹斑從此波流日淒楚君不見
湖山連蜷湖水深此恨蒼茫直萬古九峰面面皆無殊

一環冠鳥殉何所天心狡獪非無由欲眩登臨節哀苦
可憐恨魄長難醒金支翠羽歸黃陵至今黛眉遙望九
嶷麓尚描湖上君山青重爲亂曰瀟水從來瀉騷怨香
草美人盡遲蹇三閭忠直不見容匹馬函關痛難返行
吟澤畔久憔悴欲舉芳菲嗟歲晚三戶亾秦寬少酬烏
江墮涕業重斷山川淼渺難銷愁道州永州意疎誕豈
沅澧之移人抑潛淵鼓瑟者淒淒切切助悲泣又從而
爲歌曰雲山蒼蒼兮江水悠悠埃空碧兮盪扁舟若有
人兮在中流曳霧袂兮霞構羗騰駕兮來游恍惚兮騁

白鄉詩鈔

卷七

五

望思君悱惻兮凝遠眸蛟龍伏處兮不可以久留九嶷
續兮並迓靈雜沓兮紛紛其來下擊鼉鼓兮喧闐搖霓
旌兮紛稍降星軺兮鏘瓊珮實重華兮姻婭進墨客兮
騷人唱楚些兮意懼以暇娛宴息兮夜未央醉玉學兮
思遐荒余亦根觸其寤兮失前路之茫茫

夢登泰山日觀歌

胡爲乎洪濛未醒天關鍵風馬馳踏齊州煙胡爲乎寒
潮夜半天鷄叫搏桑騰海色焜耀泰巔日觀穹崔巍星
辰滿摘盈胸懷東角光芒漸閃爍滄溟下視同浮柢霓

冠霞帔衆朝謁訇然似聽高閭開日車將駕斗車轉雲
外燭龍破山來一線橫闌表不絕疑是神媧補天缺萬
象紛綸入陶冶洪爐鼓鑄乾坤血蓬萊寶宮現彈指珊
瑚火齊爛堆列靈鳥飛出濯咸池長恐羲鞭六丁折風
濤激礪如交攻三躍三起光熊熊須臾散彩歸一握泥
沌走死難爲功我欲吞此火珠寘靈臆直教元精萬古
蟠心胸赤縣神州鑑毫髮又恐青天長臂下土何時瞻
瞳矐不如高躡采虹入日舍化爲青帝瞳中童紫雲簇
擁八萬九千里內看金銀城闕皆穹窿赤輪恨無根株

白鄉詩鈔

卷七

十六

着彗孛攬槍肆貪虐若木折枝銀弓矢彎弧齊射眾星
落妖暮道追汗淋漓瓊漿賜我天瓢酌帝曰咨汝全圓
規論功下銘摩崖碑金泥玉檢悉相授湯沐坐鎮玉女
池手中芙蓉柱霄漢西望長安東會稽好爲六合擴昏
霧盡呼臥者起給金光十丈長陸離

夢遇登州海市歌用東坡原韻

揚塵三度蓬海空世界收歸金粟中十洲陸沉訪縣圃
蒼茫夢墮龍龜宮奪回造化憑一晷海王道力侔天工
手挽銀河踏浪立水戲曼衍呈魚龍疊嶂巒巖已歛變

參差臺榭營蛟翁城堞層樓架縹緲萬家鱗次簷牙雄
珊瑚璀璨織番舶琪花瑞草紛無窮當中忽湧多寶塔
八萬四千光融融上躡飛仙與劍俠快哉可倒坡璃鍾
一時水國恣遐眺遇合不獨髯蘇豐若使遊觀寄蝸殼
蜃市買否銅山銅萬事轉頭盡漸滅飄然歸去乘長風
夢尋羅浮仙蝶歌

蝶兮蝶兮吾將飼汝以水弗濡入火弗燃金光之瑤
草銀汝以人不得識仙不得食玉真之瓊葩使汝青者
如翡翠黑者如黔鴉黃者白者如金銀赤者又復如丹

白鄉詩鈔

卷七

七

砂上疑對張九華扇下似飛控五雲車朝遊歷於巒谷
夕馳逐於水涯東風吹暖鳳凰子長令文采爛熳相矜
誇平生懷想朱明洞何日竟入羅浮夢都云煙霧雨迷
合問誰神人爲此弄道持長鑱斲茯苓谿山迴曲相識
眾忽見麻姑駕白鹿謂子一去煙月空洞口碧桃樹開
落故園今遇飲須痛靈宮秘閣戶不扁笑看昔日藏繭
大如甕一一呼之出籐笈倏紛縱頃刻金粉燦成圍衣
衫未覺六銖重屈鬢斂翼言如陳君本羅浮舊主人若
何躡躡向塵世令我拚棄三千春栩栩展衣各前舞左

右蹕蹕颺金縷初學黃鸞後鸚鵡霞裾霧袂風中舉霎
時幻作霓裳拍雲端仙女降三五容光陸離目搖眩半
空濛濛墜花雨翩然俱下環我側兩翅捧觴如上壽夔
奏鸞笙劈麟脯但願主人長住千萬歲毋竟蟬脫成塵
土吁嗟乎人閒何處無丹邱管領名山復何求壯日蹉
跎不自惜深恐星星晨夕抽醒來誓將棄妻子布襪青
鞵尋舊遊烏柏故窠汝勿戀時時馭我往來四百三十
二峰頭

夢訪鄧尉梅花歌

白鄉詩鈔

卷七

十六

昨從太湖歸胸如盪清渤東西兩洞庭欲卽棹忽發水
光旣蚴蟻山色益軒豁支硎恍遙竚元墓當近謁環轉
過谿曲鄧尉薄言擷東風送微雨芳香愈娟潔不知素
心人朝夕誰怡悅冉冉萼綠華江南賦離別夢中相和
吹瓊簫一曲已能換肌骨此後遊踪何處佳笑指梅花
弄衣鉢

春日偶成兼懷秋帆昆仲

茸茸草色亂窗紗戶外裙腰幾道斜雙袖暖風沾竹葉
一簾明月夢梨花調絲紫撥知何曲詠絮紅樓復那家

回首追謹渾似昨可堪雲樹隔江涯

春日絕句

風箏穩步碧雲端想覓音書隔彩鸞誰坐瑤堦吹玉笛
鞦韆院落海棠寒

芳時莫放酒杯空白紵歌殘畫閣東猶有閒情銷未得
杏花疎雨柳絲風

此身無用合投閒位置香爐茗椀閒游屐偏教輪謝客
年年側帽看鄉山

晴煙一角翠遙分草木含香氣似熏茶笱鄉中推祭酒
白鄉詩鈔 卷七

鶯花隊裡領參軍

詠鷹鵠筆山用仇池韻

有序

往得木筆架於石氏小本輪囷高廣不踰四寸
頗具峰巒起伏邱壑彎環之狀山麓橫迤勢欲
西走而其中洞關儼泉流潌浸可通小艇者然
上則一峰峭拔左右二峰如昂首如張翅若頡
頏而不甘處其下者東中二峰之閒豁兩指許
側肩斜避以待官子登焉蓋皆天然不假鑿鑿
古人謂尺寸有千里之勢觀此益信余家鷹鵠

山下此意趣適相肖乃字曰鷹鵠筆山與俊猊
筆池爲案頭二玩因詠之

一拳飽風雨黛岫割蒼綠斐几神山峙摩挲意未足中
豈藏洞天訇然剖巖腹雲嵐亦曉蕩態訝九華蹙高下
俱坡陀似可樵與牧中峰特削劣仰蹲絕塵瀆兩旁復
翅張剪墜松煙玉鷹鵠吾鄉巒犖確同起伏夙願耽深
林築廬定將卜問此誰匠巧湘管獨輸逐雖挈漫叟樽
難訪愚公谷幽尋儻愜志富貴何所欲五岳忽在袖浩
歌草堂曲剡溪好田園風月正相速

白鄉詩鈔

卷七

二十

從石霓裳借書賦此代柬

昔聞黃香詣東觀金櫃石渠供啟披徐廣除官校秘閣
丹鉛爛熳牙籤圍二人年齒雖遠異儒生榮遇無參差
男兒得作秘書監萬戶侯封當讓之笑我亦樂鑽故紙
終朝獨守江都帷枕經菲史意深羨一則一弓差弗疲
枉腹未填五千卷饑腸日夕嗚哇呷新編時獲彌寶貴
字字玃率褰牟尼蟲涎蛙粉眼饒搜偏嗜那殊耽鯁鯁
所嗟積粟罄甌石瑯嬛難市千朱提誦塗自恥半袁豹
何處碑版捫色絲繭足空齋遠賢僂座無世南行篋隨

士安一車可表借草茅下士焉望斯華林秘帙盜徧略
竊恐孝徵遭杖笞若得儼居春明宅爲備誰氏夫豈辭
吾子風流異俗父貌如洗馬神清奇襟懷瀟灑對煙月
觥觥大吐瓊琚詞不惜黃金購善本青箱想已同山坻
鼎中片臠思染指刮膜仍待雙銀鏡曹魏顧盼雄才藻
典論上追絲叢儀漢魏叢書搜羅珍怪哆宏富萬斛珠塵分
半遺藝海珠塵錦罽繡褫乞漸惠慎毋呵護追靈威薔薇滿
砌灑香露寒具敢令元子咨案有長恩好呼守妙畫通
靈庸致疑論衡秘視詔談進都官好句傳弓衣手把琅
白鄉詩鈔

卷七

三

函度蕭寂扶搖竚看驂龍螭秋風報捷走相賀不獨還
書擔兩鴟乘暇早約耕雲客同來剪韭烹黎和數條摘
取侑觴政夜闌拍斗歌銅鞮

